



Toi aaigij

Toi aaigij. Taah säänih algâtteh uápis juovlâevangelium. Evangelist Luukas ovtâstit Jeesus šoddâm tiätu ááigán já pááikán. Nomâlássân kiäisár Augustus haldâšempajan Rooma vâldikoddeest já suu vâldikode viärruttâs ááigán. Galilean já Juudean.

Toin kuovttijn saaniijn "toi aaigij" lii jieñâlub merhâšume ko maid mij jurdâččep. Evangelist haalijd tai saaniij peht muštâliđ, ete Jeesus lii tuodâlâš olmooš, historjálâš persovn, kote lii puáttám mii historjálíi maailm uáassin.

Vuossâmui juovlâi Immeel Kandâ šoodâi olmožin Betlehem taalist. Taat tábáhtus kočoduvvoo teologiast inkarnaation, sääni mielđ jurgâlum Immeel "uázžin šoddâmin" – ađai olmožin šoddâmin.

Inkarnaatio sáttá orroođ teoreetlâžžân juurdân. Tast lii liijká koččamuš uáli konkreetlii já tuárgástittee-uv tábáhtusâst. Inkarnaatio ana sistees jurduu, ete Immeel poođij mielđi orroo olmožin kaskoo argâpeeivi pohčâsij. Amal sun poođij jyehiđ meid mii iloid já kijtolâšvuodâ fáádáid-uv.

Juovlah já inkarnaatio lohtâseh te oohâtân. Inkarnaatio immâš ađai Immeel maailmân puáttim mij ávudep meid tai juovlâi áármu ive 2025.

Mutâ moh láá toh maailm pohčâseh já huolah, moi kooskâst Immeel tai juovlâi lii mii paaldâst? Pohčâseh láá maangâlágáneh, persovnlíih já maailmvijdosíih. Kenski huolâ suáđist, šonjâdâhnuvástusâst, persovnlíi tálutuálust tai argâpeeivi huolâ elilâmulmui tipšo tiileest mii enâmist. Kenski poovčâs puácuvuodâst, ohtuunisvuodâst tai árvuttesvuodâ tobdoost.

Inkarnaatio meerhâš, ete Immeel ij lah tuš kostnii jieijâs olluvvuodâin, kukken tain huolâin já pohčâsijn. Ij, sun lii tuodâlâvt mielđi maailmist. Sun lii tuin kaskoo tuu pohčâsij já huolâi. Tai-uv juovlâi Immeel lii Jeesusist mielđi maailm kriisâkuávdáin, Ukrainast, Israelist já Palestiinast, Sudanist já eres paaihijn, main ij lah olgoldâs ráávhu.

Maailm lávvuttesvuodâ já mii persovnlíi huolâi kooskân Betlehemist šoddâm Pestee aabâs tego hástá tile já iätá: "Ráávhu tijjân." (Luuk. 24: 36) Já tastko sun lii vuáttám olmoošvuotân kullee pohčâsijđ jieš jieijâs roopâst, te sun puáhtá išediđ mii.

Sivnedum juovlah, mii Pestee šoddâmjuhle Tunjin já tuu aldaulmuid.

Oulust advent ääigi älgidiijn 2025

Jukka Keskitalo
Oulu pispekode pispe